

ՈՒՋԱՆԻ ԴԱՄԲԱՆԱԹՈՒՄԲԸ

Գ. Ս. ԹՈՒՄԱՆՅԱՆ

1989 թ. ՀՀ ԳԱԱ հնագիտության և ազգագրության ինստիտուտի նորակառույցների հնագիտության բաժնի Ուշանի (Աշտարակի շրջան) հնագիտական ջրկատր պեղեց գյուղի հարավային ծայրամասում, անասնապահական ֆերմայից դեպի հյուսիս վեր բարձրացող բլրակի վրա «Յիտրուա» կոոպերատիվին հատկացված հողատարածքին կից գտնվող դամբանաթումբը¹, որն այդ տարածքն ուսումնասիրելիս հայտնաբերել էր հնագետ Լ. Ն. Բիլագովը²։ Նշված դամբարանից 50—100 մ հեռավորությամբ, նույն բլրակի վրա, հնագիտական տեղադնություն հայտնաբերվեցին ևս երկու ոչ մեծ դամբանաթումբեր, որոնք պեղելու հնարավորություն չստեղծվեց։ Ինձ հայտնի այդ տարածքին ամենամոտ հուշարձանը Մոտկանն է՝ Ուշանից 0,5 կմ դեպի հյուսիս ընկած վաղ երկաթի դարի քաղաքատեղին, որտեղ կան նաև միջնադարյան բնակության հետքեր։ Նրանից մոտավորապես 3 կմ արևմուտք է գտնվում վաղ երկաթի դարի մեկ այլ հուշարձան՝ Սահակաբերդը³։

Պեղված դամբանաթումբը չափերով ամենամեծն էր և գտնվում էր բլրակի գագաթին։ Քարահողային լիցքով դամբանաթմբի տրամագիծը 5,40 մ էր, բարձրությունը մոտավորապես 0,40 մ, կրոմլեխը շարված էր իրար շատ մոտ դրված ոչ մեծ որձաքարերով, կանոնավոր շրջանագծով։ Նրա որոշ քարեր բացակայում էին (նկ. 1, 3)։ Դամբանաթմբի կենտրոնում նմանատիպ քարերով շարված էր մեկ այլ՝ փոքր շրջան, 2,10 մ տրամագծով։ Փոքր կրոմլեխի ներսում դամբանաթմբի նախնական վիճակը խաթարված էր գեոդեզիստների կողմից (քարերը հանված և շուռ էին տրված, հավանաբար մի մասն էլ դեն էր շարտված)։

Դամբանաթմբի պեղումներով փոքր կրոմլեխին կից գտնվեցին խեցանոթի բեկորներ և վանակատի ցլեպ։ Խեցանոթների բեկորներ և վանակատի միջուկներ, բեկորներ և ցլեպներ գտնվեցին նաև թաղման խցի ծածկասալերի վրայից։ Թաղման խուցը փոքր կրոմլեխի ներսում տեղադրված գետնափոր, ձվածիր սալարկղ էր, ընդամենը 0,35 մ խորությամբ, 1,20 և 0,65 մ երկարությամբ առանցքներով, հարավ-արևելքից՝ հյուսիս-արևմուտք ուղղվածությամբ։ Այն փակված էր նեղ ու երկարուկ շորս փոքրիկ ծածկասալերով։ Թաղման սալարկղի հարավ-արևելյան պատը կպած էր փոքր կրոմլեխին, հարավային պատ էր ծառայում ժայռաբեկորի ելուստը (նկ. 2, 3)։

Սալարկղում անհատական թաղում էր կատարված։ Ննջեցյալը կին էր, մոտավորապես 40—45 տարեկանում մահացած⁴, հասակը՝ 162 սմ։ Նա ամփոփված էր դիաթաղման ծիսակարգով, աջ կողքի վրա, ձեռքերը՝ դեմքի առ-

1 Գ. Ս. Թումանյան. Ուշանի նորահայտ դամբարանը.—Հայաստանի Հանրապետությունում 1989—1990 թթ. դաշտային հնագիտական աշխատանքների արդյունքներին նվիրված գիտական նստաշրջան. Զեկուցումների թեզիսներ. Երևան, 1991, էջ 79—80։

2 Առիթից օգտվելով շնորհակալություն եմ հայտնում գործընկերներին՝ ճարտարապետ Լ. Վ. Կիրակոսյանին, որը կատարել է դամբարանի չափագրությունը և հնագետ Ա. Ս. Փիլիպոսյանին, որը գրչանկություն է պեղված հնագիտական իրերը։

3 Գ. Արեշյան, Կ. Ղաֆադարյան, Հ. Սիմոնյան, Գ. Տիրացյան, Ա. Քալանթարյան. Հնագիտական հետազոտություններ Հայկական ՍՍՀ Աշտարակի և Նաիրիի շրջաններում.—«Երաբեր հասարակական գիտություններ», 1977, № 4, էջ 77—93։

4 Մարդաբանական հետազոտությունը կատարել է ինստիտուտի մարդաբանական լաբորատորիայի գիտաշխատող Մ. Հ. Ալթունյանը։

շե, ձախ ուսը սեղմված դեանին, կծկված դիրքով (նկ. 2, 3): Գլուխը գրտնավում էր հյուսիս-արևմտյան պատի մոտ, դեմքով դեպի հարավ: Գլխի հետևում դրված էր երկաթե կոր դանակ և փոքրիկ կճուճ (պուլիկ): Ձեռքերի դաստակներին հազցված էին բրոնզե մեկական ապարանջան, կրծքավանդակի առջև թավոված էին բազմաթիվ ուլունքներ, ծնկի մոտ գտնվում էին իլիկների երեք գլուխներ: Բրոնզե լարից պատրաստված շքասեզ-հերակտլը լրացնում էր հնադրական իրերի ցուցակը (աղ. I): Ննջեցյալի գլխի ետևից գտնվել են նաև հավի երկու ոսկորներ⁶:



Նկ. 1

Հայկական լեռնաշխարհում (և մասնավորապես հյուսիս-արևելյան Հայաստանում) դամբանաթմբային թաղումներն ի հայտ են գալիս առնվազն վաղ բրոնզի դարաշրջանում (Լճաշեն, Ջրառատ, Ստեփանակերտ, Ջրվեժ և այլն) և անընդմեջ շարունակվելով հասնում են մինչև վաղ քրիստոնեական ժամանակաշրջան: Եվ եթե ճշմարիտ է պատմիչ Կիրակոս Գանձակեցու այն հաղորդումը, որ հովիվները Գրիգոր Լուսավորչին վախճանված գտնելով քարակարկառ են կուտակել նրա վրա⁶, ապա անհիմն չի լինի այդ երևույթի մեջ տեսնել դամբանաթմբային թաղման ծիսակարգի մի դրսևորում մ. թ. IV դարում: Ավելորդ չէ հիշատակել, որ, դամբանաթմբի տակ գտնվող ձվածիր հատակագծով խցերում կատարված թաղումներ հայտնի են դեռևս մ. թ. ա. IV հազարամյակի II կեսից սկսած: Եվ, այնուամենայնիվ, կառուցվածքային տեսանկյունից Ուշանի նորահայտ դամբանաթմբի զուգահեռները պիտի փնտրել մ. թ. ա. I հազարամյակի հուշարձանների շարքում:

1978 թ. հնագետ Հ. Ա. Օհանյանը պեղել է Աշտարակ—Կումայրի մայրուղուց դեպի ներքին Բազմաբերդ տանող ճանապարհի հատման վայրում, ոչ մեծ բլրի վրա գտնվող մի դամբանաբլուր, որը չափերով 2,5 անգամ գերազանցում է Ուշանի դամբանաթմբին, սակայն կառուցվածքային առումով, ինչպես նաև տարածական իմաստով ամենամոտե է նրան: Հետաքրքիր է, որ դամբանաբլուրի զգալիորեն մեծ չափերի պայմաններում, ձվածիր հատակագծով դամբանախուցը մոտավորապես նույն չափերն ունի, ինչ որ Ուշանի թաղման սալարկղը: Ներքին Բազմաբերդի դամբանաբլուրում նույնպես անհատական դիաթաղում է կատարված, սակայն ուղեկցող նյութը էականորեն տարբերվում է մեր պեղած դամբարանի թաղման գույքից: Պեղող հնա-


⁶ Կենդանաբանական նյութի հետազոտման համար շնորհակալություն եմ հայտնում ՀՀ ԳԱԱ Կենդանաբանության ինստիտուտի առաջատար գիտաշխատող Ս. Կ. Մեծլումյանին:

⁶ Կիրակոս Գանձակեցի. Պատմութիւն Հայոց, աղբ. Կ. Մելիք-Օհանջանյանի. Երեւան, 1961, էջ 13:

⁷ Հ. Օհանյան. Ներքին Բազմաբերդի դամբանաբլուրը.—«Լրաբեր հասարակական գիտությունների», 1980, № 6, էջ 86—90:

գետը Ներքին Բաղմարերդի № 4 դամբարանը թվագրում է մ. թ. ա. IV—V դդ.¹

Հնագետ Ռ. Մ. Թորոսյանը 1971 թ. էջմիածնի շրջանի Այգեշատ գյուղում պեղել է քարե լիցքով դամբարանաթմբեր⁸, որոնց խցերը ևս, ինչպես քննարկվող օրինակում է, ստորգետնյա են և տեղավորված են թմրի կենտրոնական մասում։ Այսքանով ավարտվում է Ուշանի և Այգեշատի դամբարանների կառուցվածքային նմանությունը։ Այգեշատի դամբարանները թվագրվում են մ. թ. ա. I—մ. թ. I դարերով։



Նկ. 2

2. Ա. Մարտիրոսյանի կարծիքով մ. թ. ա. VI—IV դդ. հայերն իրենց հանգուցյալներին թաղում էին նույն տիպի դամբարաններում, ինչ որ նախկինում, և որ այս դարաշրջանի դամբարանների ձվաձիր հատակագիծը և կառուցվածքային առանձնահատկությունները սովորական են Հայաստանում մ. թ. ա. II հազարամյակի վերջում և մ. թ. ա. I հազարամյակի սկզբում⁹։ Այս կարծիքին համամիտ է Գ. Ա. Տիրացյանը¹⁰, նշելով, որ առկա թաղման ձևերի տարատեսակությունը չպետք է բացատրել միայն էթնիկական տարբերություններով։ Կարևորն այն է, որ նրանց մեծամասնությունը ծագում է

⁸ Ռ. Թորոսյան, Ֆ. Տեր-Մարտիրոսյան. Ուշ Հելլենիստական ժամանակաշրջանի դամբարաններ էջմիածնի շրջանի Այգեշատ գյուղում.—«Պատմա-բանասիրական հանդես», 1976, № 2, էջ 265—269.

⁹ А. А. Мартиросян. Город Тейшебани. По раскопкам 1947—1958 гг. Ереван, 1961, с. 146.

¹⁰ Г. А. Тирацян. Культура древней Армении. VI в. до н. э.—III в. н. э. (по археологическим данным). Ереван, 1988, с. 33.

առավել վստիցարաններում¹¹, Պայտաձև-ձվածիր հատակագծով, ոչ մեծ քարերով կամ սալերով շարված դամբարանացի հայտնի են տարբեր հուշարձաններից՝ Արզիշտիխիլից, Կարմիր Բլուրից, Գառնիից, Օշականից, Կարճազրյուրից և Հայաստանի այլ պեղավայրերից:

Ասվածից կարելի է ենթադրել, որ Ուշանի դամբարանը, ինչպես կառուցվածքով, այնպես էլ թաղման ծիսակարգով (կծկված դիաթաղում), ներկայացնում է այն կայուն ձևերից մեկը, որը տարածված էր Հայաստանում երկաթի դարաշրջանից սկսած մինչև մեր թվարկության առաջին դարերը: Այս սլավոններում դամբարանի թվագրման համար առանձնահատուկ նշանակություն է ձեռք բերում թաղման գույքը:

Ուշանի դամբարանի թաղմանն ուղեկցող իրերի համալիրը մեծ չէ, ռակայն բուդմոտեսուկ է առարկաների գործառական նշանակությամբ և, առավել ևս, ըստ նյութի:

Պեղումներով գտնված միակ ամբողջական խեցանոթը պուլիկն է (աղ. I, 13). սև, թույլ փայլեցված մակերևութով, հարթ նստուկով, ներձկված կարճ վզով, փոքր-ինչ դուրս թեքված շուրթով: Վզի հիմքում անփութորեն հորիզոնական ակոս է արված: Նման խեցանոթներ հայտնի են մ. թ. ա. I հազարամյակի բալթիկ պեղավայրերից. ունենալով կիրառության խիստ ընդարձակ ժամանակաշրջան, նրանք չեն կարող նպաստել որևէ հուշարձանի թվագրմանը:

Աշխատանքային գործիքները կարելի է բաժանել երկու խմբի: Առաջին խմբի մեջ մտնում է մեկ իր՝ երկաթե կոր (մանգաղատիպ), որոշ չափով քայքայված դանակը (աղ. I, 12), որը կոթին փոքրիկ անցք ունի դաստապանի ամրացնելու համար: Դա պատկանում է դանակների այն տեսակին, որը Ս. Սալանը, Շամշադինի շրջանի Բերդ ավանի դամբարանադաշտից գտնված նյութերը դասակարգելիս, առանձնացրել է որպես դաշույնների և դանակների խմբի երկրորդ տիպ¹², և Բ. Բ. Պիոտրովսկու կարծիքով մ. թ. ա. VII դարի վերջից դառնում է Անդրկովկասի դամբարանադաշտերից պեղված թաղման գույքի բնորոշ առարկաներից մեկը¹³: Մանգաղատիպ երկաթե դանակներ հայտնի են Հայաստանի, Վրաստանի և Ադվանքի բազմաթիվ հուշարձաններից. դրանք ընդհանուր առմամբ կարելի է թվագրել մ. թ. ա. VI—III դդ.¹⁴, Մ. թ. ա. V դարով է թվագրվում Կիմմերիկից գտնված նման մի իր¹⁵:

Յու. Մ. Գագոշիձեն գտնում է, որ երկաթե դանակը գեներ համարել չի կարելի¹⁶: Հոգուտ այս տեսակետի է խոսում Ուշանի դամբարանում դանակի գտնվելու փաստը: Իսկ որ հիշյալ դամբարանում անկասկած կին է թաղված, ապացուցում են ոչ միայն մարդաբանական հետազոտությունները, այլև դամբարանացի իրերի նրբ գլուխների առկայությունը: Կ. Ք. Քուշնարյովսն, ի հաճատումն այն տեսակետի, որ իրիկներն ուղեկցում են միայն կանանց թաղումներին, նշում է Արթիկի դամբարանադաշտի մի շարք համալիրներ, որոնք, ի թիվս իրիկների, պարունակում են նաև կանանց արդուզարդի առար-

¹¹ Նույն տեղում, էջ 109:

¹² С. Есаян, Могильник раннеармянского времени в поселке Берд Шамшадинского района—Историко-филологический журнал, 1969, № 4, с. 288.

¹³ Б. Б. Пиотровский, Кармир-Блур I. Ереван, 1950, с. 37, 38, рис. 17.

¹⁴ Археология СССР. Древнейшие государства Кавказа и Средней Азии. М., 1985, с. 126, табл. XII, 11; с. 146, табл. XXXII, 18; с. 116, табл. II, 4; с. 129, табл. XV, 16; с. 165, табл. LI, 8.


¹⁵ Археология СССР. Античные государства Северного Причерноморья. М., 1984, с. 242, табл. LV, 20.

¹⁶ Յ. Ս. Մ. Գագոշիձեն. Քանիի կիրճի վաղ անտիկ դարաշրջանի հուշարձանները. Քրիտիկ. 1964, էջ 101 (վրացերեն):

վաներ՝ ապարանշաններ, կախիկներ, ականջօղեր, տարատեսակ ուլունքներ¹⁷։

Ե՛վ հնդեվրոպական¹⁸, և՛ ոչ հնդեվրոպական¹⁹ հնամենի ավանդույթներում իրիկը դիտվել է որպես ստորերկրյա աշխարհի կանացի աստվածուհի կամ պարզապես կնոջ անկապտելի հատկանիշ։ Նեխական ծիսական երկխոսություններից մեկում ստորին աշխարհի աստվածուհիներ Իստուստայան և

ԱՆՆԻ № 1
ԵՍՏՈՐԱՆ



Նկ. 3

Պապաիյան նկարագրված են իրիկները ձեռքներին²⁰։ Ըստ խեթական տեքստերի՝ բուրդ էր նվիրաբերվում Կամրուսպա աստվածուհուն, որը, հավանաբար, նույնպես կապված էր ստորին աշխարհի հետ և, հետևաբար, նրա ատրիբուտն իրիկն էր²¹։ Հոմերոսյան պոեմներում իրիկ են մանում թե՛ տիրուհիները (Անդրոմաքե, Պենելոպե, Հեղինե, Արետե), թե՛ ստրկուհիներն ու

¹⁷ К. Х. Кушнарева. Древнейшие памятники Двина. Ереван, 1977, с. 95.

¹⁸ Т. В. Гамкрелидзе, Вяч. Вс. Иванов. Индоевропейский язык и индоевропейцы. Реконструкция и историко-типологический анализ праязыка и протокультуры. Т. II, Тбилиси, 1984, с. 582.

¹⁹ В. А. Алексин. Социальная структура и погребальный обряд древнеземледельческих обществ (по археологическим материалам Средней Азии и Ближнего Востока). Л., 1986, с. 21.

²⁰ В. Г. Ардзинба. Ритуалы и мифы древней Анатолии. М., 1982, с. 88; Луна, упавшая с неба.—Древняя литература Малой Азии. Пер. с древнемалоазийских языков. вступит. статья и коммент. Вяч. Вс. Иванова. М., 1977, с. 48.

²¹ Т. В. Гамкрелидзе, Вяч. Вс. Иванов. Указ. соч., с. 581—582.

նաժիշկները²², Կարելա-Ֆիննական էպոսում նույնպես կանայք անբաժան են իլիկից, սկսած գլուղացի աղջիկներից մինչև Պոխուլայի շքնաղ աղջիկը և լուսնի ու արևի դուստրերը²³, Հայ ժողովրդական դուրացներգութլունից ես մեղ են հասել իլիկ մանող կանանց կենդանի պատկերներ.

Գլուղի կնկտիք յեւած, տղուն ա,
Յառեկան ա կը մանեն՝ կայնած դռներ²⁴,

Ժլիկ էր մանում նաև հսանդութ խաթունը.

— Լա՛վ, ես չեմ էլնի տուրս, իմ տուռ կը շինեմ.
Նստեմ էստեխ, իմ քարգահ քաշեմ²⁵,

Այդ ավանդույթը գոյատևել է գրեթե մինչև մեր օրերը: Պատահական չէ Թումանյանի դիպուկ համեմատությունը.

Դե մեռի՛ր, էլի՛, գետի՛նք մըտի՛ր,
Տանը վե՛ր ընկի՛ր՝ ի՛լիկ պըտըտի՛ր...²⁶,

Մնում է ավելացնել, որ Բերդից գտնված հնագիտական իրերի համալիրում երկաթե կեռ դանակների հետ միասին, ի թիվս այլ իրերի, առկա է նաև իլիկի ոսկրե գլուխ²⁷:

Աշխատանքային գործիքների երկրորդ խումբն են կազմում վերոհիշյալ իլիկների երեք գլուխները: Մեկը վատ թրծված կավից է պատրաստված, կիսազնդաձև է, կիսով չափ փշրված (աղ. I, 3): Մյուս երկուսը պատրաստված են տարբեր ապարներից: Նրանցից մեկի մեջ պահպանվել էր երկաթալարե կեռիկից մի կտոր: Այս իլիկի գլուխը (աղ. I, 2) պատրաստված է բաց կարմրավուն երանգով սրճակաթնագույն մանրահատիկ կրաքարից²⁸: Երրորդ համանման իրը մուգ կարմիր գույն ունի և պատրաստված է մնացուկային կազմությամբ օֆիկարբոնատից (աղ. I, 1)²⁹: Երկրաբանական-հանքաբանական դիտությունների դեկտոր Մ. Ա. Սաթյանի հաղորդման համաձայն ինչպես այս ապարների բեկորները, այնպես էլ այն քարեբլ, որոնցից պատրաստվել են ուլունքները (դրանց մասին կխոսվի ստորև), կարելի է հավաքել Արաքս գետի հովտում կամ Արաքս և Ախուրյան գետերի միախառնման վայրից դեպի արևմուտք ընկած միոցեն-պլիոցենյան բեկորային նստվածքաշերտերում: Այս փաստը կողմնակիորեն վկայում է, որ ինչպես պեղումներով հայտնաբերված ուլունքները, այնպես էլ իլիկները հավանաբար տեղական արտադրանքի նմուշներ են: Ինչպես մ. թ. ա. VI—IV դդ., այնպես էլ հիլենիսական դարաշրջանի թաղումներում հանդիպում են

22 Հ ո մ եր ո ս. Իլիական. Երևան, 1955, Երգ վեցերորդ: Հ ո մ եր ո ս. Ողիական. Երևան, 1988, Երգ առաջին, չորրորդ, վեցերորդ, յոթերորդ:

23 Կալեվալա. Երևան, 1972, Ռուսա Ա, Ը, Թ և այլն:

24 Սասնա Մռեր. Երևան, 1977, էջ 288:

25 Նույն տեղում, էջ 341:


26 Հ. Ք ո մ ա ն յ ա ն. Անուշ, Երրորդ երգ, XIV:

27 С. Е с а я н. Указ. соч., с. 291.

28 Տարբեր քարերից պատրաստված բոլոր հնագիտական առարկաների մանրագիտակային հետազոտությունը, լուսապատկերային վերլուծությունը կատարվել և դրանց մասին տվյալներն ինձ են տրամադրվել ՀՀ ԳԱԱ երկրաբանության ինստիտուտի լաբորատորիայի վարիչ Մ. Ա. Սաթյանի կողմից: Այդ գործին մասնակցել են նաև նույն ինստիտուտի աշխատակիցներ Ռ. Ն. Տայանը (Ջանգեզուրի խմբի պետ) և Օ. Գ. Գուգենբերգը:

29 Այդ առարկայի իլիկի գլուխ լինելու մասին միտքը ինձ հուշեց հնագետ Յ. Ի. Տեր-Մարտիրոսովը:

կրաքարից, հասպիսից և այլ քարերից պատրաստված իլիկների գլուխներ³⁰։
Թաղման գույքում մեծ թիվ են կազմում պերճանքի առարկաները։ Դը-
րանցից երկուսը բրոնզե լարից պատրաստված, ներձկված ապարանջաններ
են, որոնցից մեկի վերջավորության վրա արված են հորիզոնական աղոսներ



Աղ. 1

(աղ. I, 11), իսկ մյուսը՝ օձագլուխ վերջավորություններով է (աղ. I, 10)։
Թվագրող նյութ հանդիսանալով աքեմենյան դարաշրջանի համար, ներձկված
իրանով ապարանջանները շարունակում են կիրառության մեջ մինչև Անդրը-
կովկասում ընդհուպ մինչև մեր թվարկության սկիզբը³¹ (ըստ նորահայտ

³⁰ Ж. Д. Хачатрян. Материальная культура древней Армении в V в. до н. э.—IV в. н. э. (По новообнаруженным материалам из погребений). Автореферат канд. дисс., Ереван, 1966, с. 8.

³¹ Г. А. Тирациян. Указ. соч., с. 47, табл. V, 2; Ժ. Դ. Խաչատրյան. Արտա-
շատ II. Անտիկ դարաբանագաղաթեր (1971—1977 թթ. պեղումները). Երևան, 1981, էջ 74:

տվյալների՝ Կրաստանում ներձկված ապարանջաններ են գտնվել հռոմեական դարաշրջանի հնագիտական համալիրներում³², նման ապարանջաններ հայտնի են Կարմիր Բլուրից (դամբարանադաշտ)³³, Ջրառատից³⁴, Գառնիից³⁵, Օշականի անտիկ դամբարանադաշտից³⁶ և բազմաթիվ այլ հնավայրերից: Աքեմենյան մշակութային աշխարհում հայտնի են ներձկված իրանով ոսկե ապարանջաններ³⁷, Օձագլուխ վերջավորություններով ապարանջանները, որոնք լայն տարածում ունեն չայկական լեռնաշխարհում մ. թ. ա. VIII—VI դդ., որոշ ձեռագիրներով շարունակում են գոյատևել հետագա դարերում: Ներձկված իրանով օձագլուխ բրոնզե ապարանջաններ գտնվել են Անիում, Դվինում, Բջնիում³⁸, Իջևանում, Բերդում, Թոեղքում (Սանտա՝ Ներոն Դերեսի)³⁹ և այլ վայրերում: Ներձկված իրանով տարաբնույթ (հարթ, ատամնավոր), զանազան վերջավորություններով (երկրաչափական մարմիններ, կենդանիների գլուխներ՝ օձ, խոյ, վաթազ, առյուծ, տուր, հորթ) և տարբեր մետաղներից (ոսկի, արծաթ, բրոնզ, երկաթ) պատրաստված ապարանջանները տարածված են ինչպես Հայաստանի (արդեն նշվածներին ավելացնենք՝ Ներքին Բազմաբերդ, Աղբաշ, Աթարբեկյան, մ. թ. ա. V—I դդ.), այնպես էլ Կողքիսի մ. թ. ա. IV—III դդ. թաղումներում⁴⁰, հատկանշական են Աղվանքի մ. թ. ա. II—I դդ. հուշարձանների համար, լայնորեն հայտնի են էյլաթանյան մշակույթում (Ֆերգանա, մ. թ. ա. V—IV դդ.)⁴¹:

Ուշանի դամբարանից պեղումներով գտնվեց բրոնզե լարից պատրաստված մեկ իր ևս՝ աշտարակաձև, քառազաթ գլխիկով շքասեղ-հերակալ, գլխիկից դառնալով հորիզոնական ակոսներով, սուր ծայրով (աղ. I, 9): Նման շքասեղ-հերակալները հազվագյուտ չեն Հայաստանում: Կարմիր Բլուրի հեղինակական դարաշրջանի թաղումներից մեկում գտնվել է 9,6 սմ երկարությամբ բրոնզե լարից պատրաստված, վերին մասը հորիզոնական ակոսներով զարդանախշված շքասեղ, որը չափազանց նման է մեր պեղումներով գտնված հերակալին: Կարմիր Բլուրի շքասեղի ճյուղավորված գլխիկում կա-

32 Ю. М. Гагошидзе. Могильники Триаleti. Каталог III. Могильники античной эпохи. Тбилиси, 1982, с. 75.

33 Б. Б. Пиотровский. Указ. соч., с. 19; А. А. Вайман, Г. А. Тирациян. Кармир-Визурский некрополь эллинистического времени.—Вестник общественных наук, 1974, № 8, с. 65, табл. II, 7.

34 А. О. Мнацаканян, Г. А. Тирациян. Новые данные о материальной культуре древней Армении.—Известия АН АрмССР (обществ. науки), 1961, № 8, с. 72, табл. 2.

35 Б. Н. Аракелян. Гарни II. Результаты работ Гарнийской археологической экспедиции 1951—1955 гг. Античный период. Ереван, 1957, с. 77, рис. 41, Ж. Д. Хачатрян. Гарни V. Античный некрополь. Результаты раскопок 1956—1972 гг. Ереван, 1976, с. 30, рис. 10, 3, 4.

36 С. А. Есаян, А. А. Калантарян. Ошакан I. Основные результаты раскопок 1971—1983 гг. Ереван, 1988, с. 52, табл. XLI, 2, 3, XLII, 9, 10.

37 А. О. Мнацаканян, Г. А. Тирациян. Указ. соч., с. 73.

38 Ս. Ս. Կումանյան. Հայաստանի պատմական թանգարանի բրոնզե ապարանջանները.—ՀՍՍՀ ԳԱ «Տեղեկագիր» (հաս. գիտ.), 1964, № 2, էջ 90:

39 Б. А. Куфтун. Археологические раскопки в Триаleti. I. Опыт периодизации памятников. Тбилиси, 1941, с. 30; Ю. М. Гагошидзе. Указ. соч., с. 84—86, 93, табл. I, 3—6, II, 5—7, IV, 1.

40 Вани I. Археологические раскопки 1947—1969. Тбилиси, 1972, с. 57, 65; Вани IV. Археологические раскопки. Тбилиси, 1979, с. 118—120, 147—148, рис. 105, 192, 451.

41 Археология СССР. Древнейшие государства Кавказа и Средней Азии, с. 171, табл. LVII, 2; с. 118, табл. IV, 20, 22; с. 359, табл. LXXI, 53, 54.

րող էր սկզբնապես զարդաքար տեղադրված լինել⁴²։ Վերին մասը մշակված բրոնզե շքասեղ է գտնվել նաև Հացավան ամրոցում⁴³ (պատահական գտածո)։ Իսկ նոր Արեշի դամբարանադաշտի առաջին թաղումից և Մեծամորի № 4 դամբարանից (մ. թ. ա. VIII դար) հայտնաբերված «թռչնագլուխ կեռիկներով», գլխիկից ցած լայնակի ակոսներով զարդարված շքասեղները⁴⁴ կարող են մեր օրինակի «նախատիպերը» հանդիսանալ։

Բերդ ավանի վերոհիշյալ հնագիտական համալիրում առկա են մի քանի հերակալ-շքասեղներ, որոնցքց մեկը բավականին մոտ է Ուլանի դամբարանից գտնվածին, միայն Բերդի շքասեղի գլխիկը կլոր է⁴⁵։ Հարթ գլխիկով շքասեղ է գտնվել Օշականի № 65 դամբարանում (մ. թ. ա. IX—VIII դդ.), որը չափերով համընկնում է մեր օրինակին։ Այն նույնպես պատրաստված է մի ծայրը սուր բրոնզե լարից, որի վերին հատվածը զարդարված է հորիզոնական ակոսներով⁴⁶։ Հետաքրքիր է, որ խաթարված այդ դամբարանում, որտեղ ենթադրվում է խմբակային թաղում, ձևումի առկայությունը հուշում է, որ հանգուցյալների թվում կին է եղել։

Մետաղե և ոսկրե «վարսակալ հերուններ» գտնվել են Արտաշատից։ Արևելյան դամբարանադաշտում հայտնաբերվել է գլխի մասում փորագիր գոտիներ ունեցող, բրոնզե կլոր լարից պատրաստված հերուն⁴⁷։ Ութերորդ բլրից գտնված ոսկրե հերունի գլխիկն ունի կճղակի ձև⁴⁸։ Գառնիի բրոնզե լարից պատրաստված վարսակալներն ունեն ոլորուն գլխիկներ, իսկ քննարկվող շքասեղ-հերակալին թույլ նմանություն ունեն ոսկրե վարսակալները, որոնք վերին մասում զարդարված են լայնակի ակոսներով, սակայն որոնց գլխիկները, ի տարբերություն մեր օրինակի, կլոր են⁴⁹։

Պեճանքի առարկաների շարքում մեծ խումբ են կազմում ուլունքները։ Դրանցից 13-ը պատրաստված են օձաքարից, 17-ը՝ հախճապակուց, 4-ը՝ ապակու մածուկից և 95-ը՝ ապակուց։ Մուգ դարչնադույն-սևաթույր օձաքարից պատրաստված ուլունքներից 5-ը ճանճաձև են (աղ. I, 8), 1-ը՝ տակառաձև, 7-ը՝ երկկոնիկ (աղ. I, 7)։ Տակառաձև և երկկոնիկ ուլունքները զարդանախշված են երկայնակի փորագիր ակոսներով։ Ուլունքների երկայնակի պռանքներով, կենտրոնական մասում երկկոնիկաձևի շաղափման միջոցով անցքեր են արված թելից կախելու համար։ Այս տեսակի ուլունքներ գտնվել են Կարմիր Բլուրից։ Նրանք սև գույնի են, ծածկված ակոսներով և թվագրվում են մ. թ. ա. VII դարով։ Կարմիր Բլուրից գտնվել են նաև «մատնեքավոր» ուլունքներ պատրաստված լեռնային բյուրեղից, ինչպես նաև հախճապակուց նույն ձևավորումով պատրաստված տակառաձև ուլունքներ⁵⁰։ Բերդի վերոհիշյալ դամբարանախմբից ևս գտնվել է երկայնակի կտրվածք-

42 Г. А. Тирациян. Указ. соч., с. 144, рис. 39; А. А. Байман, Г. А. Тирациян. Указ. соч., с. 65, табл. II, 5.

43 Գ. Տիրացյան. Հացավան ամրոցի 1961 թ. պեղումները. — ՀՍՍՀ ԳԱ «Տեղեկագիր» (հաս. գիտ.), 1962, № 11, էջ 80:

44 Հ. Մարտիրոսյան, Հ. Մ. Հացավանյան. Նոր Արեշի ուրարտական կոլմբարի. — ՀՍՍՀ ԳԱ «Տեղեկագիր» (հաս. գիտ.), 1958, № 10, էջ 66, 68, աղ. 2, է. Վ. Խանդավյան, Կ. Հ. Մկրտչյան, է. Ս. Պարսամյան. Մեծամոր. Երևան, 1973, էջ 180, աղ. XLIII, 6:

45 С. Есаян. Указ. соч., табл. III, 12.

46 С. А. Есаян, А. А. Калантарян. Указ. соч., с. 87, табл. LXXVI, 5.

47 Ժ. Դ. Խաչատրյան. Արտաշատ II, էջ 106, նկ. 35, 9:

48 Նույն տեղում, էջ 103, նկ. 34, 9, 10:

49 Б. Н. Аракелян. Указ. соч., с. 14—18, 75, с. 76, рис. 43, с. 80, рис. 54;

Ж. Д. Хачатрян. Указ. соч., с. 30, рис. 10, 10—13.

50 Б. Б. Пиотровский. Кармир-Блур III. Ереван, 1955, с. 51.

ներով զարդարված ապակե մի մեծ ուլունք: Սաթից պատրաստված աղոսավոր ուլունքներ են հայտնաբերվել Մեծամորի № 4 դամբարանում⁵¹:

Մ. թ. ա. IV դարով են թվագրվում Հյուսիսային Մերձակծովյան երկրներից հայտնի փոքրաթիվ տակառածե ուլունքները, որոնք պատրաստված են գիշերաքարից և զարդանախշված են երկայնակի փորագիր ակոսներով⁵²: Նշված տարածքից հայտնի են նաև նման զարդանախշ ունեցող եգիպտական հախճապակուց պատրաստված ուլունքներ, որոնք թվագրվում են մ. թ. ա. VI—V դդ.⁵³:

Ակոսավոր տակառածե ոսկյա ուլունքներ են հայտնի Կոլքիսի Վանի հուշարձանից⁵⁴: Համանման ոսկյա ուլունքներ, կախազարդերի հետ միասին, հայտնաբերվել են Սամաղլուում⁵⁵: Վանիի և Սամաղլույի հնագիտական հավաքածուներում քիչ չեն ոսկե և բրոնզե ապարանջաններն ու մանյակները, որոնց վերջավորություններն ավարտվում են ակոսավոր տակառածե զարդերով⁵⁶: Նշված ապարանջանների թվում կան նաև ներճկվածները:

Լայն տարածում ունեն շաղախից (մածուկ) պատրաստված մատնեքավոր երկկոնիկ և տակառածե ուլունքները (Օշական, Գառնի, Բջնի, Կարճաղբյուր, Արմավիր, Մեծամոր և այլն): Վերջիններիս նախատիպերը հասնում են միջին և ուշ բրոնզի դարաշրջաններ (Մալիսյան, Արթիկ, Կարմիր Վանք, Խաչուլաղ⁵⁷): Սրանց համաժամանակյա այլ հնավայրերից ևս (Պարսկական Թալիշ)⁵⁸ հայտնի են շաղախից պատրաստված ակոսավոր տակառածե ու երկկոնիկ ուլունքներ:

Ապակուց պատրաստված ուլունքները սեղմված գնդաձև են կամ տորաձև, նրանց գույնը կապույտ է, արծաթափայլ կամ ոսկեփայլ երանգներով (աղ. I, 4): Մեծ քանակությամբ ապակե ուլունքների առկայությունը (ապա նաև դերակշռությունը) արժանանում և հետագայում և հելլենիստական դարաշրջաններում Հայաստանի և Վրաստանի թաղման նյութերի բնութագրիչ առանձնահատկություններից է⁵⁹: Ապակե ուլունքներն անկասկած պատրաստվել և գործածվել են Հայաստանում ավելի վաղ, առնվազն մ. թ. ա. II հազարամյակի կեսերին⁶⁰: Հարկ է հիշեցնել նաև, որ դրանից ավելի քան մեկ հազարամյակ անց Հռիփսիմյան կույսերն իրենց ապրումստը հոգում էին ապակե ուլունքներ պատրաստելով⁶¹: Մեր հուշարձաններում շատ են հիշ-

⁵¹ Է. Վ. Խաչատրյան, Կ. Հ. Մկրտչյան, Է. Ս. Պարսամյան. *Նշվ. աղ.*, էջ 179, գույն. տախտ. VII, 2:

⁵² Е. М. Алексеева. Античные бусы Северного Причерноморья. М., 1978, с. 8.

⁵³ Археология СССР. Античные государства Северного Причерноморья, с. 348, табл. CLVII.

⁵⁴ Вани I, с. 241, рис. 193—197.

⁵⁵ Ю. М. Гагошидзе. Самадло. Каталог археологического материала. Тбилиси, 1981, с. 45, табл. LX, 10—13.

⁵⁶ Вани I, с. 65, рис. 170; Ю. М. Гагошидзе. Самадло..., с. 46, табл. LXI, 28.

⁵⁷ Г. Ф. Джафаров. Связи Азербайджана со странами Передней Азии в эпоху поздней бронзы и раннего железа. Баку, 1984, с. 50, табл. VII, 15, 25; VIII, 29; IX, 45.

⁵⁸ Cl. F. A. Schaeffer. Stratigraphie comparée et chronologie de l'Asie Occidentale. III^e et II^e millénaires. London, 1948, plan. LX, LXI.

⁵⁹ Г. А. Тирацян. Указ. соч., с. 144.

⁶⁰ Բ. Ն. Առաքելյան, Գ. Ա. Տիրացյան, Ժ. Դ. Խաչատրյան. Հին Հայաստանի ապակին (I—IV դդ.). Երևան, 1989, էջ 8:

⁶¹ Ազաթանգեղայ Պատմութիւն Հայոց, աշխատանքությամբ Գ. Տեք-Մկրտչյան և Ստեփանյանց. Տիփլիս, 1909, ԺԳ:

յալ ուլունքների հավաքածուները. նշենք միայն, որ Գոլովինոյի դամբարաններից մեկում գտնված ապակե գնդաձև (կոտրված) ուլունքը (ՀՊՊՔ № 291/95) Ուլանի նմանատիպ ուլունքի երկվորյակն ասես լինի:

Հախճապակուց պատրաստված ուլունքները կաթնադեղնավուն են, հիմնականում՝ գնդաձև, մեկը երկկոնիկ է (աղ. I, 5): Ապակու մածուկից պատրաստված ուլունքները (աղ. I, 6) խոշորակաձև են, կանաչ գույնի: Ծրկու երկարուկ ուլունքների վրա պահպանվել են կարմիր ներկի հետքեր: Բացառությամբ օձաքարից պատրաստված ճանճաձև ուլունքների, որոնց զուգահեռներն ինձ հայտնի չեն, մնացած ուլունքներն ունեն իրենց զուգահեռները Անդրկովկասի բազմաթիվ հուշարձաններում մ. թ. ա. VII—VI դդ. սկսած մինչև ուշ հելլենիստական ժամանակաշրջան:

Ասվածից կարելի է եզրակացնել, որ Ուլանի դամբարանի արտեֆակտների յուրաքանչյուր խումբն, առանձին վերցրած, ունի գործառույթյան բավականին տեղական ժամանակաշրջան և դամբարանի ճշգրիտ թվագրումը որոշակի դժվարություն է ներկայացնում: Վիճակը բարդ է նաև նրանով, որ հնագետները տարակարծիք են հնագիտական հուշարձաններից մի քանիսի թվագրման հարցում, որոնց հավաքածուներում մենք փնտրում ենք Ուլանի դամբարանի նյութերի զուգահեռները: Ըստ որում Բ. Կուֆտինը, Ն. Խոշտարիան, Հ. Մարտիրոսյանը հակված էին ներքոհիշյալ հուշարձանների առավել վաղ թվագրման, իսկ ժամանակակից հետազոտողներից ոմանք (Յու. Գաբոշիձե, Օ. Լորդկիպանիձե, Ժ. Խաչատրյան) ավելի ուշ թվագրման կողմնակիցներ են (դրանում ակնհայտորեն իր ծանրակշիռ դերն է խաղում վերջին տասնամյակներում հնագիտական նոր նյութերի հայտնաբերումը և գիտական շրջանառության մեջ մտնելը): Յու. Մ. Գաբոշիձեն, օրինակ, վերանայելով Բ. Կուֆտինի հայտնի տեսակետը, փորձում է հիմնավորել ներոն Դերեսի դամբարանադաշտի թվագրությունը մ. թ. ա. I դարի սահմաններում⁶²: Օ. Դ. Լորդկիպանիձեն որոշ չափով «երիտասարդացնում» է Ն. Խոշտարիայի կողմից թվագրված Վանիի հուշարձանախմբի հնագիտական համալիրների տարիքը: Հ. Ա. Մարտիրոսյանն, իր հերթին, գտնում էր, որ Ալեքսանդր Մակեդոնացու կամ Լիսիմաքոսի օրոք հատված դրամի հայտնաբերումը Կարմիր Բլուրի դամբարանադաշտում, չի կարող հիմք հանդիսանալ ողջ դամբարանադաշտի ավելի ուշ թվագրման համար, այլ միայն ցույց է տալիս, որ ուշ աքեմենյան ժամանակաշրջանի դամբարանադաշտը տեղական գործածություն է ունեցել նաև հետագայում⁶³:

Ինչևիցե, փորձելով թվագրել Ուլանի դամբարանը, պիտի հիշենք, որ չնայած թաղմանն ուղեկցող որոշ նյութերի ժամանակագրական ստորին սահմանը հասնում է մ. թ. ա. II հազարամյակ, իսկ նրանց մի մասի ուշ շրջանի արձագանքները՝ մեր թվարկության : առաջին դարերը, այնուամենայնիվ, հնագիտական առարկաների շարքում կան այնպիսիները, որոնք հնարավորություն են տալիս զգալիորեն նեղացնել թվագրության սահմանները: Դրանք բրոնզե ներձկված ապարանջաններն են, որոնք, ինչպես վերն ասվեց, աքեմենյան մշակութային աշխարհի ծնունդ լինելով, շարունակում են գոյատևել հետագա դարերում: Արդեն նշվել է, որ Հայաստանում ներձկված

⁶² Ю. М. Гагошидзе. Могильники Тrialeti, с. 84.

⁶³ А. А. Мартиросян. Указ. соч., с. 139.

ապարանջանները կարելի է թվագրել, ընդհանուր առմամբ, մ. թ. ա. V—I դդ.: Հենց այս ժամանակաշրջանն է ընդհանուր մեր համալիրի բոլոր իրերի համար: Այժմ փորձենք հնարավորության սահմաններում ավելի կոնկրետացնել նախնական այս թվագրությունը:

Եթե պեղումներով հայտնաբերված նյութերը դիտարկենք համախմբության մեջ, որպես մեկ ամբողջություն, ապա հնագիտական առարկաների վերահիշյալ համալիրը (բրոնզե ներձկված օձադուխ ապարանջան, բրոնզե լարից պատրաստված նշված տիպի շքասեղ, երկաթե կոր դանակ, իլիկի գլուխ, ակոսավոր ուլունքներ) իր զուգահեռն է գտնում Բելոդ ավանի դամբարանախմբից հայտնաբերված նյութերում, միայն այն տարբերությամբ, որ այնտեղից գտնված իլիկի գլուխը պատրաստված է ոսկրից, իսկ մատնեքավոր խոշոր ուլունքը՝ աշակուց: Բերդի նյութերը Ս. Ա. Եսայանը թվագրում է մ. թ. ա. V—IV դդ.⁶⁴,

Ավելացնենք նաև, որ ի տարբերություն Ուջանի դամբարանի, Բերդի դամբարանները հիմնահողային են, ուղղված՝ հյուսիս—հարավ առանցքով և նրանցում կառավարված են կոլեկտիվ դիաթազումներ:

Նկարագրված նյութերը, որպես ամբողջական համալիր, համարժեք են նաև Բեշտաշենի (Մակայի շրջան) դամբարանադաշտի մ. թ. ա. VI—V դդ. թվագրվող քարակղզիների նյութերին⁶⁵:

Քեթիի Քարոտ հողերի դամբարանադաշտի № 45 դամբարանը թվագրվում է մ. թ. ա. VII—VI դդ.⁶⁶: Այնտեղ կատարված է կոլեկտիվ դիաթազում (գտնված է հինգ կմաք), կառուցվածքով այն տարբերվում է հնտազոտվող դամբարանից: Կենտրոնական թաղմանն ուղեկցող առարկաների տեսակաւին (պուլիկ, երկաթե կոր դանակ, բրոնզե մախաթ և ապարանջաններ, մածուկե ուլունքներ), ինչպես և նրանց տեղադրությունը խցում (ննջեցյալի նկատմամբ ունեցած դիրքը), մասամբ հիշեցնում է Ուջանի դամբարանից իրադրությունը և այնտեղից գտնված թաղման գույքը: Ինչպես ասվեց, հնագիտական նման համալիրները, սովորաբար, ուղեկցում են կանանց թաղումներին: Ուստի դժվար թե Քեթիի № 45 դամբարանի կենտրոնական թաղումը լինի առաջնորդի թաղում⁶⁷:

Մեծամորի № 4 դամբարանը, որն արդեն առիթ եղավ հիշատակելու, իր թաղման գույքի միջոցով կարելի է թվագրել մ. թ. ա. VIII—VII դդ.: Հիմնական թաղմանն ուղեկցող նյութերից դատելով այնտեղ կնոջ դիակ է ամփոփված: Խցի շափերով և ուղղությամբ արև համանման է Ուջանի դամբարանին: Մեծամորի դամբարանից հայտնաբերված «թռչնազուխ կեռիկներով», գլխիկից ցած լայնակի ակոսներով զարդարված շքասեղը (ինչպես նաև մյուս շքասեղ-հերակալները), ապակե ուլունքները, մածուկից պատրաստված տակառաձև և սաթից պատրաստված ակոսավոր ուլունքները, դանակ հիշեցնող բրոնզե իրը, ինչպես նաև օձ հիշեցնող օղակաձև ոլորված գլխիկով արծաթե հերազարդերը թաղման ճոխ գույքի մի մասը կազմելով միայն և ունեն-

⁶⁴ С. Есаян. Указ. соч., с. 291.

⁶⁵ В. А. Куфтин. Указ. соч., с. 41—42.

⁶⁶ Л. А. Петросян. Раскопки памятников Кетя и Воскеаска (III—I тыс. до н. э.). Ереван, 1989, с. 78, табл. 63, 4.

⁶⁷ Նույն տեղում:

նալով հնագիտական առարկաների նյութի ու ձևի որոշակի տարբերություններ, իրենց համախմբության մեջ հիշեցնում են Ուշանի դամբարանի թաղման գույքը, կարծես թե նման հնագիտական համալիրների նախատիպը հանդիսանալով:

Այսպիսով, Ուշանի դամբարանի նյութերում բրոնզե ներձկված օձագլուխ ապարանջանների առկայությունը հնարավորություն է տալիս զգալիորեն կոնկրետացնել վերոհիշյալ դամբարանի թվագրման ժամանակը, այն ամփոփելով մ. թ. ա. I հազարամյակի II կեսի սահմաններում: Խնդրո առարկա հնագիտական համալիրի նախատիպը, որոշ վերապահումներով, կարելի է տեսնել կանանց թաղումներն ուղեկցող մ. թ. ա. VIII—VI դդ. համալիրներում:

Մեկ դամբարանի պեղումների հիման վրա անիմաստ է խոսել թաղման ծեսի մասին: Կարելի էր ուսմանափակվել միայն թաղման ծեսի վերականգնվող մասի նկարագրությամբ (ինչը և արվեց վերը) կամ ընդհանուր կարգի դատողություններով. այսպես, օրինակ, դամբարանաթմբից և դամբարանացի սալերի վրայից գտնված խեցանոթների բեկորները վկայում են հոգեհացի արարողության մասին, վանակատի բեկորները սփռվում էին շար ոգիները վանելու նպատակով և այլն: Սակայն Ուշանի դամբարանի թաղմանն ուղեկցող նյութի առանձնահատկությունը (խոսքը դամբարանախցում տեղադրված իլիկների մասին է) կարող է կապված լինել մեր նախնիների աշխարհայացքային մի պատկերացման հետ, որին, իմ կարծիքով արժե անդրադառնալ ավելի հանգամանորեն:

Ինչպես հայտնի է, մեզանում, երբ մարդ է մահանում, ասում են. «Կյանքի թելը կտրվեց»: «Մանեի», «Հյուսեի» և «ճակատագիր», «բախտ» հասկացությունների կապը գալիս է շատ հնուց⁶⁸, Հին խեթական ծեսերում հաճախ հիշատակվում են «բուրդ»-ը և «իլիկ»-ը, որոնք կապվում են «Ստորին աշխարհի» և նրա բնակիչ «օձի» հետ (մեկ անգամ ևս հիշենք իլիկների և օձագլուխ ապարանջանի համադրությունը միևնույն դամբարանում): Ստորերկրյա աստվածուհիներն իրենց ձեռքերում պահում են իլիկներ, որոնք խորհրդանշում են կյանքի տևողությունը⁶⁹, «Ստորին աշխարհի» նմանատիպ կանացի աստվածուհիներն են ներկայացնում իրենցից նաև հին հունական մուրանները՝ մարդկային ճակատագրի աստվածուհիները⁷⁰:

68 Т. В. Гамкрелидзе, Вяч. Вс. Иванов. Указ. соч., с. 583.

69 В. Г. Ардзинба. Указ. соч., с. 88.

70 Մ. Ն. Բոտովինիկ, Մ. Ա. Կոզան, Մ. Բ. Ռաբինովիչ, Բ. Պ. Սելեսկի. Դիցարանական բառարան (թարգմ.՝ Մ. Մ. Կրկյաշարյանը). Երևան, 1985, էջ 161: Ն. Ա. Կուլն. Հին Հունաստանի լեզենդներն ու առասպելները (թարգմ. Լ. Հախվերդյան). Երևան, 1956, էջ 28—29:

10 «Հաղթան», № 1—2

УДЖАНСКИЙ КУРГАН

Г. С. ТУМАНЯН

Резюме

В 1989 г. в Аштаракском районе Уджанским отрядом отдела новостроечной археологии Института археологии и этнографии АН Республики Армения был раскопан курган, находившийся на небольшом холме южной окраины села Уджан. Курган диаметром 5,4 м имел 0,4 м высоты и был частично разрушен во время геодезических работ. Он был окружен кромlexом, сооруженным из небольших базальтовых глыб. Обнаруженный при раскопках насыпи кургана археологический материал состоит из нескольких осколков и отщепов обсидиана и черепков сосудов. Погребальная камера находилась в центре кургана на небольшой глубине внутри малого кромlexа диаметром 2,1 м. В плане овальная, размерами 1,20×0,65×0,35 м, она была сооружена из небольших каменных плит и направлена на северо-запад. Усопшая была погребена обрядом трупоположения, на правом боку, в скорченном положении. Череп находился у северо-западной стены, лицом на юг. Сопутствовавший материал, найденный в погребальной камере, состоит из горшочка, железного серповидного ножа, трех пряслиц, бронзовой булавки, двух бронзовых браслетов с прогибом и бус, изготовленных из разных материалов (серпентин, стекло, паста, фаянс). В камере находился также скудный остеологический материал. Найденный археологический материал датируется V—IV вв. до н. э., но не исключается и более поздняя датировка (III—II вв. до н. э.). Предприняты меры по дальнейшей охране нововыявленного памятника.